

Na osnovu člana 18. pod m.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 31/04), Skupština Kantona Sarajevo, na sjednici održanoj dana 14.11.2016. godine, donijela je

### **ODLUKU**

#### **O USVAJANJU IZMJENA I DOPUNA PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016. GODINU**

##### **Član 1.**

Usvajaju se izmjene i dopune Programa uređenja građevinskog zemljišta i realizacije kapitalnih investicija za 2016. godinu, koji je sastavni dio ove Odluke.

##### **Član 2.**

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-32757/16                      Predsjedateljica  
14. novembra 2016. godine              Skupštine Kantona Sarajevo  
Sarajevo                                      Prof. **Ana Babić**, s. r.

Na osnovu čl. 51. i 58. Zakona o prostornom uređenju Kantona Sarajevo ("Službene novine Kantona Sarajevo", broj 7/05), u vezi sa čl. 70. Zakona o građevinskom zemljištu Federacije BiH ("Službene novine Federacije BiH", broj 25/03), Skupština Kantona Sarajevo, na sjednici održanoj dana 14.11.2016. godine, donijela je

### **IZMJENE I DOPUNE**

#### **PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016. GODINU**

##### **I**

U Programu uređenja građevinskog zemljišta i realizacije kapitalnih investicija za 2016. godinu (u daljem tekstu: Program) kojeg je Vlada Kantona Sarajevo donijela na sjednici održanoj 28.06.2016. godine, pod brojem 01-05-22436/16, vrše se sljedeće izmjene i dopune:

1. u tački IV u podtački 1. iznos od "19.337.827,43 KM" zamjenjuje se iznosom "19.137.827,43 KM", a poslije podtačke 22. dodaje se podtačka 23. koja glasi:  
"23. rješavanje imovinsko-pravnih odnosa za izgradnju Sarajevske obilaznice  
LOT 2C . . . . . 200.000,00 KM".
2. u Prilogu 1. Programa u tački 8. Stambeno naselje Lužani - blok "F" pod "1. i 2. iznos od "2.050.000,00 KM" zamjenjuje se iznosom "1.850.000,00 KM", a iznos od "6.870.827,40 KM" ukupno uređenje građevinskog zemljišta, zamjenjuje se iznosom "6.670.827,40 KM".
3. u Prilogu 4. Programa u tački 1. iznos od "6.870.827,40 KM" zamjenjuje se iznosom "6.670.827,40 KM", a poslije tačke 22. dodaju se tačka 23. koja glasi:  
"23. rješavanje imovinsko-pravnih odnosa za izgradnju Sarajevske obilaznice LOT 2C . . . . . 200.000,00 KM".

##### **II**

Ove izmjene i dopune Programa stupaju na snagu danom donošenja, a objavit će se u "Službenim novinama Kantona Sarajevo".

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 14/01, 28/04 i 5/13), člana 117. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13 i

47/15), Skupština Kantona Sarajevo, na sjednici održanoj dana 14.11.2016. godine, donijela je

### **ODLUKU**

#### **O DOPUNI POSLOVNIKA SKUPŠTINE KANTONA SARAJEVO**

##### **Član 1.**

U članu 139. Poslovnika dodaju se stavovi 3. i 4. koji glase:  
"Ako Zakonodavno-pravna komisija Skupštine Kantona Sarajevo da mišljenje da nacrt zakona nije u skladu sa Ustavom Kantona i pravnim sistemom, Skupština će prethodno zauzeti stav o mišljenju Zakonodavno-pravne komisije".

"Ukoliko Skupština podrži mišljenje Zakonodavno-pravne komisije iz prethodnog stava nacrt zakona će se smatrati odbijenim."

##### **Član 2.**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-32758/16                      Predsjedateljica  
14. novembra 2016. godine              Skupštine Kantona Sarajevo  
Sarajevo                                      Prof. **Ana Babić**, s. r.

### **Vlada Kantona Sarajevo**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), a u vezi sa članom 7. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 25. i 34. Zakona o ustanovama ("Službeni list RBiH", br. 6/92, 8/93 i 13/94) i članom 10. Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 6/10-Prečišćeni tekst, 14/11 i 15/14), Vlada Kantona Sarajevo, na 64. sjednici održanoj dana 23.11.2016. godine, donijela je

### **ODLUKU**

#### **O STANDARDIMA I KRITERIJIMA ZA IMENOVANJE NA POZICIJU PREDsjedNIKA I ČLANOVA UPRAVNOG ODBORA I PREDsjedNIKA I ČLANOVA NADZORNOG ODBORA KANTONALNE JAVNE USTANOVE ZA ZAŠTIĆENA PRIRODNA PODRUČJA**

##### **Član 1.**

(Predmet Odluke)

Ovom odlukom utvrđuju se standardi i kriteriji za imenovanje na poziciju predsjednika i članova upravnog odbora i predsjednika i članova nadzornog odbora Kantonalne javne ustanove za zaštićena prirodna područja (u daljem tekstu: Javna ustanova).

##### **Član 2.**

(Opći i posebni uslovi)

- (1) Za predsjednika i članove upravnog odbora i predsjednika i članove nadzornog odbora Javne ustanove može biti imenovan kandidat koji ispunjava opće i posebne uslove.
- (2) Opći uslovi koje treba ispunjavati kandidat iz stava (1) ovog člana su:
  - a) da je stariji od 18 godina,
  - b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije,
  - c) da se na tog kandidata ne odnosi član IX. 1. Ustava Bosne i Hercegovine.
- (3) Posebni uslovi koje treba ispunjavati kandidat iz stava (1) ovog člana su:
  - a) da je državljanin Bosne i Hercegovine,